

**Broj: 06-03-1183-03/182/16**  
**Mostar, 13.02.2017. godine**

Na osnovu člana 17. Zakona o naftnim derivatima u Federaciji Bosne i Hercegovine („Službene novine Federacije BiH“, broj 52/14), člana 217. Zakona o upravnom postupku („Službene novine Federacije BiH“, broj 2/98 i 48/99), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“, broj 24/14 i 91/15), člana 8. stav (1) i člana 32. stav (5) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“, broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“, broj 57/12, 71/14 i 31/16), Regulatorna komisija za energiju u Federaciji Bosne i Hercegovine – FERK je 13.02.2017. godine na III redovnoj sjednici donijela sljedeći

## ZAKLJUČAK

1. U Rješenju Regulatorne komisije za energiju u Federaciji Bosne i Hercegovine - FERK broj 06-03-1183-02/182/16 od 26.01.2016. godine, u Dozvoli za rad (licenci) za skladištenje naftnih derivata izuzev LPG-a iz tačke 2. rješenja, a koja čini njegov sastavni dio, u Prilogu 1 Osnovni podaci o skladištu imaoca dozvole, vrsta naftnog derivata koji se skladišti, ispravlja se greška na način da se riječi: “Lož ulje - LUEL i Mazut“ zamjenjuju riječima „loživa ulja, benzini za avione i gorivo za mlazne motore“.
2. Ova ispravka ima pravno djelovanje od dana od kojeg pravno djelovanje ima rješenje iz tačke 1. ovog zaključka.
3. Ovaj zaključak se prilaže originalu rješenja iz tačke 1. ovog zaključka i čini njegov sastavni dio.
4. Ovaj zaključak je konačan, te se objavljuje se na internet stranici i oglasnoj tabli FERK-a, a dispozitiv ovog zaključka u „Službenim novinama Federacije BiH“.

## Obrazloženje

Regulatorna komisija za energiju u Federaciji Bosne i Hercegovine – FERK je na II redovnoj sjednici održanoj u Mostaru 26.01.2016. godine, postupajući po Zahtjevu za izmjenu i dopunu dozvole za rad (licence) u postupku izmjene i dopune Dozvole za rad (licence) za skladištenje naftnih derivata osim LPG-a broj 06-03-372/14/16 od 15.06.2016. godine novim skladišnim kapacitetima, ali i promjenom adrese sjedišta društva, podnosioca „HIFA-OIL“ d.o.o. Tešanj donijela Rješenje broj 06-03-1183-02/182/16 čiji je sastavni dio Dozvola za rad (licenca) za skladištenje naftnih derivata izuzev LPG-a. U navedenom rješenju, u Prilogu 1. navedene Dozvole za rad (licence) za skladištenje naftnih derivata izuzev LPG-a, koja čini njegov sastavni dio, učinjena je greška u nabrojanju vrste naftnih derivata koji se skladište, te je istu, u skladu sa članom 217. Zakona o upravnom postupku, trebalo ispraviti, sa pravnim djelovanjem od dana od koga proizvodi pravno djelovanje rješenje koje se ispravlja.

Obzirom na navedeno, te postupajući u skladu sa članom 78. Pravilnika o javnim raspravama i rješavanju zahtjeva, sporova i žalbi, odlučeno je kao u dispozitivu zaključka.

**POUKA O PRAVNOM LIJEKU:**

Protiv ovog zaključka može se tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema zaključka. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**v.d. PREDsjedNICE FERK-a**  
**Vladenka Milović s.r.**